

DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

TAKAPA

Na hïngängö bïanî atene nêngö terê tî zo na lïngbïngö terê tî ângangü tî lo laâ sï ayeke na gündâ tî zarä , tî nzönî ngbanga na tî sirîrî na ndö tî dünîa,

Na hïngängö nî pëpëe na këngö ândiä tî bata nêngö terê tî zo laâ adü kpälë tî birä sô abi ngonzo na bê tî âhalëzo, ngâ sï gängö tî mbênî finî ködörö sô âhalëzo kûe alïngbi tî tene tënë tî bê tî âla, tî mähê tî âla afa nî tôngana taä kötâ bëkü tî âzo tî ndö tî gïgî,

Ayeke kötâ yê mïngi tî tene azî lë na ndö tî ândiä tî bata nêngö terê tî zo gï na lëngö mbênî gerê tî ndiä ndâli tî siönî sëgbïä na lëngö päsî,

Na hïngängö nî atene ayeke kötâ yê mïngi tî mü ngangü na mäïngö tî lëngö söngö na pöpö tî ködörö ndê ndê,

Na hïngängö nî atene na yâ tî sëndiä halëzo tî bëndö tî gïgî afa tî finî nî mähê tî âla na âtaâ ndiä tî zo , na nêngö terê ngâ na kötâ tî zo na lïngbïngö terê tî ângangü tî kôlî na wâlî, sï âla atene ânî yeke sâra ngangü kûe tî mäïngö tî sêduti tî zo na lëngö ânzönî lëgë tî dutî na yâ tî mbênî kötâ zarä ,

Na hïngängö nî atene âködörö sô abûngbi amû yângâ tî lë kpëngö ndiä tî bata nêngö terê tî zo na zarä tî lo na yâ tî kua tî maboko na maboko na bûngbi tî bëndö tî gïgî,

Na hïngängö atene mângbïngö bê na ândiä sô na âzarä sô ngâ ayeke bïanî ngangü yê mïngi tî sâra kua sô gï na pekö tî yângâ sô âla mü,

Kötâ Lïngö

Avûnga

Dêpä tî pöpöködörö tî bätängö nêngö terê tî zo sô

tôngana kunibê sô halëzo na âködörö kûe alïngbi tî wara, sï âzo kûe ngâ na âkûndü tî bôso kûe asâra ngangü, na lëgë tî fängö mbëtî na fängö-ndo, tî lë kpëngö ândiä na âzarä sô ngâ tî sâra na kodë tî ândiä tî ködörö wala tî pöpöködörö tî tene ayêka nî ngâ sï alë tambûla nî na ndo kûe, na pöpö tî halëzo na letäa nî sô alü mbere nî, tôngana âla sô angbâ na gbe tî lê tî âla.

Sura 1

Adü âzo kûe yamba, ngâ âla lïngbi terê na lëgë tî nêngö-terê na tî ângangü. Ala kûe awara ndarä na börö-li sï âla lïngbi tî dutî na âmbâ tî âla gï na lëngö söngö.

Sura 2

Zo ôko ôko alïngbi tî pïka kate na ndö tî ângangü sô dêpä avûnga, na särängö kângbi ôko pëpë wala na ndö tî tenë tî marä, wala tî nzoroko tî terê wala tî ndiä wala tî kôlî na wâlî tî yângâ ködörö wala tî mosoro, tî ndo tî düngö wala tî marä dutî,

Na ndönî kûe, alïngbi tî sâra mbênî kângbi ôko pëpë sô alöndö na ndö tî tënë tî porosö wala tî ndiä wala tî pöpöködörö, tî mbênî zo wala tî mbênî ködörö nî sô alïngbi tî dutî lipandä wala na gbe lê tî mbênî ködörö wala sô ayeke na kpälë tî sëgbïä.

Sura 3

Zo kûe ayeke na ngangü tî dutî na finî tî lo, tî dutî yamba na tî dutî na mbeto tî wara siönî pëpëe.

Sura 4

Zo ôko alïngbi tî dutî na gbe tî ngbâa pëpëe. Akânga lëgë bïanî na dutî tî ngbâa ngâ na dëngö buzë tî këngö zo na ngbâa.

Sura 5

Zo ôko alïngbi tî sâra mbâ tî lo na pâsi tî ponön wala na pâsi tî finön pëpëe.

Sura 6

Zo kûe ayeke na ngangü tî tene ndiä abata lo na âsiönî lâkûe na ndo kûe.

Sura 7

Azo kûe alïngbi terê na lê tî ndiä, ngâ âla yeke na ngangü lëgë ôko na särängö kângbi ôko pëpëe. Amû na âla ngangü na sêbätängö terê lëgë ôko, na tënë tî kângbi tî marä sô alïngbi tî fïngi dêpä sô ngâ na tënë tî gïngö lëgë tî kângbi tî marä sô.

Sura 8

Zo kûe alïngbi tî lî ngbanga na âdangbanga tî ködörö tî lo tôngana âzo akpë pëpëe ângangü sô sëndiä tî ködörö tî lo amû na lo.

Sura 9

Alĩngbi ôko pẽpẽe tĩ gbũ zo na kãnga wala tĩ bata lo na kãnga wala tĩ tokua zo yongôro na kôdôrô tĩ lo gĩ sêngê sêngê, tôngana ndã nĩ ayeke da pẽpẽe.

Sura 10

Zo kũe ayeke na ngangũ, lęgê ôko na âmbâ tĩ lo, tĩ tene amã polêlê tẽnê tĩ yângâ tĩ lo na lê tĩ boro ngbanga sô fadê afa ânde wala ângangũ wala âkuandiã tĩ lo wala tôngana pãngô ırĩ na tẽnê sô alĩ ngbanga da na ndô tĩ lo sô ayeke mbĩrĩmbĩrĩ.

Sura 11

Zo kũe sô apã ırĩ tĩ lo na ndô tĩ mbênĩ kpălê angbâ mokondô asĩ na ngôi sô afa na lęgê tĩ ndiã atene lo sâra sïonĩ, na lê tĩ mbênĩ ngbanga tĩ polêlê sô âwakokô kũe adu da na pekô tĩ lo.

Alĩngbi pẽpẽe tĩ kãnga zo ndãli tĩ âyê sô lo sâra wala tĩ bẽgirisa sô, na ngôi sô asĩ sô, ndiã tĩ kôdôrô wala ndiã tĩ pöpökôdôrô afa nĩ tôngana kpălê pẽpẽe. Lęgê ôko, alĩngbi tĩ dĩko pẽpẽe mbênĩ ponon sô akono ahon ndô tĩ lo sô ayeke dẽ ka nĩ na ngôi sô zo asâra kpălê sô.

Sura 12

Alĩngbi ôko pẽpẽe tĩ yôro terê na mbãnã na yâ tĩ sêdutĩ tĩ zo wala tĩ sêwa tĩ lo wala tĩ da tĩ lo wala tĩ dĩko mbêtĩsũ tĩ lo. Alĩngbi pẽpẽe tĩ buba ırĩ tĩ zo ngâ na wũngô tĩ ırĩ tĩ lo. Zo kũe ayeke na ngangũ tĩ tene ndiã abata lo ngbanga tĩ âmarã kpălê tôngasô.

Sura 13

Zo kũe ayeke na ngangũ tĩ fonon yamba na yâ tĩ kôdörösêse kũe. Lo yeke ngâ na ngangũ tĩ soro ndo tĩ dutĩ tĩ lo na yâ tĩ mbênĩ kôdörösêse.

Zo kũe ayeke na ngangũ tĩ sigĩ na yâ tĩ kôdörösêse kũe atã adu kôdôrô tĩ lo, ngâ tĩ kĩri na kôdôrô nĩ tôngana sô bẽ tĩ lo ayê.

Sura 14

Na yâ tĩ ponon tĩ hongã-ndo, amũ lęgê na zo kuê tĩ gi ndo tĩ dutĩ da ngâ lo lĩngbi tĩ wara nĩ na kôdôrô wandê.

Alĩngbi pẽpẽe tĩ mũ ngangũ sô na wakpălê tĩ fãngô zo wala na zo tĩ sãrãngô âyê sô ague pẽpẽe na lęgê tĩ apo na âkunibê tĩ bũngbi tĩ bẽndo tĩ gĩgĩ.

Sura 15

Amũ ngangũ na zo kũe tĩ tene lo du zo tĩ mbênĩ kôdörösêse.

Alĩngbi pẽpẽe tĩ gbãnzĩ mbênĩ zo na mbãnã tĩ du wakôdörösêse ngâ na ngangũ tĩ gbian kôdörösêse tĩ lo.

Sura 16

Asĩ na ngôi sô âla lĩngbi tĩ mũ terê, amũ ngangũ na kôlĩ na wãlĩ tĩ mũ terê tôngana kôlĩ na wãlĩ, sĩ âla lẽ sewã sêngê, tẽnê tĩ marã wala tĩ kôdörösêse wala tĩ mabê alĩngbi tĩ kãnga lęgê nĩ pẽpẽe. Na mbãgê tĩ mũngô terê, amũ ngangũ, lęgê ôko na kôlĩ na wãlĩ na yâ tĩ dutĩngô tĩ âla ngâ na kãngbĩngô tĩ âla.

Kôlĩ na wãlĩ alĩngbi tĩ mũ terê gĩ tôngana bẽ tĩ âla ûse kũe ayê tẽnê nĩ bĩanĩ.

Sewã ayeke na gũndã tĩ halêzo. Nĩ laã, amũ ngangũ na letãã ngâ na âzo kũe tĩ tene âla bata nĩ ngangũ.

Sura 17

Zo kũe wala lo dutĩ na bôsôngbi wala lo dutĩ lo ôko ayeke na ngangũ tĩ wara âkũngbã tĩ lo mvenĩ.

Alĩngbi pẽpẽe tĩ mũ âkũngba tĩ mbênĩ zo na ngangũ na mabôko tĩ lo.

Sura 18

Amũ na zo kũe zarã tĩ bibê, tĩ boro-li na tĩ mabê ; ngangũ sô afa atene zo kũe ayeke na zarã tĩ gbian mabê tĩ lo, wala bibê tĩ lo ngâ na zarã tĩ fa polêlê mabê tĩ lo, lo ôko wala na yâ tĩ mbênĩ bũngbi, polêlê wala koiko, na lęgê tĩ fãngô mbêtĩ, tĩ sãrãngô yê, tĩ vöröngô nzapã ngâ na sãrãngô ângôbo.

Sura 19

Amũ na zo kũe ngangũ tĩ zarã tĩ bibê na tĩ sãrãngô tẽnê. Sô atene alĩngbi tĩ doroko zo pẽpẽe ndãli tĩ âbibê tĩ lo. Amũ ngâ na zo kũe ngangũ tĩ gi, tĩ wara na tĩ vũnga âsango na âkodê na âmarã lęgê kũe, na zĩãngô bẽ pẽpẽe na ndô tĩ tẽnê tĩ âmekã.

Sura 20

Amũ na zo kũe ngangũ tĩ zarã tĩ gbê lĩngô, tĩ lĩ na yâ tĩ bôsôngbi tĩ sĩrĩrĩ.

Alĩngbi pẽpẽe tĩ gbũ zo na ngangũ tĩ lĩ na yâ tĩ mbênĩ bôsôngbi.

Sura 21

Amû na zo kûê ngangû tî sâra kua tî lêngö ködörö tî lo, wala lo mvenî wala na lêngê tî âwasêlê sô asoro âla yamba.

Amû na zo kûê ngangû tî wara kua na yâ tî ndokua tî letâa, lêngê ôko na âmbâ tî lo.

Kunibê tî halêzo ayeke na gündâ tî ngangû tî awalêngö ködörö. Kunibê sô alîngbi tî fa gî na lêngê tî aboro soro sô ayeke bâa gîgî ngöi na ngöi, na lêge tî gbegö mobimba ngâ na köbö soro wala na mbênî ngöbo sô amû ngangû tî zarâ tî soro.

Sura 22

Zo kûê tîngana wabôso tî halêzo ayeke na ngangû na kodêkua tî bätängö terê. Alöndö na âbängö nzönî na pekô tî ângangû tî mosoro, tî zängbingörö terê, tî ndara sô ayeke kötâ yê ndâlî tî nëngö terê na boro mäingö tî sêterê tî lo; gî na lêngê tî gbüngö mbîrîmbîrî kua tî ködörö ngâ na tî tängbîngö kua na âködörö wandê sô abâa dôngôngbi na môsôrö tî ködörö ôko ôko.

Sura 23

Amû na zo kûê ngangû tî sâra kua, na zarâ tî söröngö kua tî bê tî lo, na yâ tî boro ngâ na nzönî gerê tî kua. Alîngbi ngâ tî bata zo ngbanga tî tënë tî ponön tî sârängö kua pëpëe.

Zo kûê alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbi tî wara boro nginza tî kua sô alîngbi tî tene lo na âsëwä tî lo aduti na yâ tî nëngö terê. Na ndönî kûê, amû na lo anzîna ngangû tî sêbätängö terê.

Zo kûê awara ngangû tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbüngö kokö tî âla.

Sura 24

Amû na zo kûê ngangû tî woterê tî lo, tî sâra ngîa ngâ. Sô atene alîngbi tî dë gî na lêngê nî längö kâpâ tî kua ngâ na âlängö tî wöngö terê sô afûta nî.

Sura 25

Zo kûê alîngbi tî wara nginza sô alîngbi na lo sî lo lë sênî tî lo, nzönî dutî tî lo ngâ na tî sewä tî lo bianî na lêngê tî têngö kôbe, yüngö bongö, mûngo yoro ngâ na zängbîngö terê. Amû na lo ngangû tî bâa nzönî na lêngê tî zängbîngö terê na ngöi sô lo du na kua pëpëe, wala na ngöi tî söngö terê wala ngbanga tî zën, wala ngbanga tî ndü, tî kangba wala na yâ tî âmbênî ngöi sô zo nî ayeke na mbênî lêngê tî bätängö na finî tî lo pëpëe, na pekô tî âmbênî sîökpälê sô asî na lo.

Awâlî tî ngo na âmolengê tî âla alîngbi tî wara taâ nzönî na kua tî zängbîngö ndo. Âmolengê kûê, wala adü âla na yâ tî mûngö terê wala adü âla da pëpëe ayeke na ngangû na nî lêngê ôko.

Sura 26

Amû na zo kûê ngangû tî mändängö mbetî. Ayeke fûta mändängö mbetî nî pëpëe, mbîrîmbîrî na âkêtê dambetî. Mändängö kodëyê na kodêkua alîngbi tî gbû ndo kûe. Zo kûê alîngbi tî manda mbetî na kötâ dambetî, gî na lêngê tî kodê tî lo na hîngängö ndo tî lo.

Fängö mbetî alîngbi tî gue na lêngê tî kono sêterê tî âzo ngâ tî kono ndiä tî bätängö nëngö terê tî âzo . Lo lîngbi ngâ tî mû lêngê tî kpêngba mängö terê, vürüngö bê na sôngö na pöpö tî âködörösêse tî âmarä wala âmabê ndê ndê ngâ na mäingö âkua tî bûngbi tî bëndö tî gîgî ngbanga tî bata sîrîrî.

Awadüngö môlengê âmvenî alîngbi tî soro yamba kodê lêngê tî fängö hîngägö ndo na âmolengê tî âla.

Sura 27

Zo kûê ayeke na ngangû tî lë kua tî sëndägao tî âsöngö tî lo, tî tene lo wara âpendere yê tî ködörö tî lo na lo zîa maboko na mäingö tî âsëndâyê ngâ na lo bâa nzönî na pekô nî.

Amû na zo ôko ôko ngangû tî sêbätängö ânzönî yê tî lo sô alîngbi tî dutî âkûngbâ wala âbibê tî lo-mvenî. Anzönî yê sô alîngbi tî löndö na pekô tî âkodêkua, asëndâyê, âsëndâsû wala tî sëndägao sô lo mvenî lo sâra.

Sura 28

Tî tene âzo akpê ângangû sô afa ge sô, ayeke nzönî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tîngana na yâ tî dünîa mobimba.

Sura 29

Zo ayeke na âhonga na mbâgê tî bôso sô lo du da sî lo mâi da yamba . Nî laâ sî alîngbi tî mû na lo lêngê tî tene sêterê tî lo amâi nzönî bianî.

Ndiä alîngbi tî lë ângangû tî bätängö nëngö terê tî zo . Lo lîngbi ngâ tî mû lêngê na zo ôko ôko tî kpê âmbâ tî lo ngâ tî tene âmbâ tî lo akpê lo.

ângangû sô na âzarâ sô alîngbi ôko pëpê tî fîngi âwêsêlô, âpö, na gbegöndiä tî bûngbi tî bëndö tî gîgî mobimba.

Sura 30

Mbênî kôdörösêse ôko pëpëe wala mbênî zo tî gĩgĩ ôko alĩngbi pëpëe tî buba lęgë tî ândiä sô afa ge na yâ tî mbëtĩ-
dêpä sô.